



Moderamen
GBKP



IBADAH Keluarga

Selasa, 05 Mei 2020



Moderamen_GBKP



gbkp.or.id



Moderamen GBKP

1) Rende No. 205 : 1,2

1. Reh lah min, o Tuhan, Sikap kami krina,
Ersembah man bandu jenda.
Nusurlah min Tuhan, bahan sikap krina,
ukur kami pe badia.
O Bapa bre gelah, daten pasu-pasu, kami krina enda.
2. Tuhan Dibatanta lit bas rumah enda,
nembah kita krina baNa.
Alu kehamaten mungkuolah man baNa,
kula tendi pe kerina.
Aloken kataNa ras pasu-pasuna, usekenNa banta.

2) Ertoto - ibabai anak (PERMATA/KA-KR)

3) Renungan (Ogen Kuan-Kuanen 3:1-5)

- iogeken Nande

Kitab kuan kuanen eme asa bagin Pustaka Sibadia si nuriken kerna kepentaren sirehna ibas Dibata La terjeng ibas kesusahen tapi pe ibas kesenangan. Kitab enda jadi titik tolak pengertin manusia kerna kerina siterjadi bas kegeluhenna.

Bas kitab enda isehkenna kerna ulu kepentaren eme Erkemalangen man Dibata. Bas Bindu 3 Dibata e iandingken bagi bapa si tendeh atena ngajarken man anakna erbage hal simehuli. Tujunna eme gelah kegeluhen anak bagi singena atena. Itehna sura-sura bapa janah kegeluhenna dem alu kemalemen ate.

Ikatakenna maka kepentaren sitehna ibas Dibata nari erkawiten ras pusuh. Pusuh e she kal pentingan sebab ibas pusuh e maler me kekelengen ras ketutusan. Tangkas ikatakenna ulih pusuh si erkemalangen man Tuhan eme umur sigedang, kesehatan, kesejahteraan ras pengakun kekelengen ibas kegeluhen. Perlu kita tetap njaga pusuhna ibas kerina dampar kegeluhen.

Dalanna eme erkiniteken man Tuhan alu bulat ukur ras ola ernalem man pengertin manusia.

Lanjut bas Hal 2...

Lanjutan...

Bas situasita genduari nas enda jabab penungkunen kai nge harus silakoken ? Siperdiateken sekelweta tentu mbue siidah labagi ukur. Gambaren enda jadi tanda maka kita harus tetap erkemalangen man Tuhan. Tuhan nge si jaga ras jamini kegeluhenta segelah kita semakin pentar njagai pusuh peratenta.

Ertoto, ngoge pustaka, merenung (meditasi) njadikan Kita geluhta tenang,terang ras terarah. Bapanta tetap engkelengi kita ras ngajari kita. Jaga kesehatenta , AMIN

4) Rende KEE 309: 1-2

1. Pengasup kami o Tuhan gelah pedahNdu banci idalanken
Em kap tendang kami bas kegeluhen, kataNdu si man gelemen
Gelah tangkas kata ras perbahanen
ban min kami tetap bas kebujuuren
Surgandu kap perayaken
2. Temani kami o Tuhan bengket ku doni s idem keguluten
SampatiNdu kami lako naluken dosa si man sirangenken
Emaka ola kal kami tadingken ibas kami ndalani kegeluhen
Glah dat kami kemenangan

5) Ertoto Syafaat - ibabai Bapa

Kerna situasi lingkungenta gelah kompak ngalaken perbeben
Si deban, siturah bas jabu

6) Rende KEE 381: 1-3

1. Sura-sura Yesus bangku, ersinalsal tetap
Ngeluh bujur ras mehuli, si ngena ateNa
Reff...

Ersinalsal Terang, em sinisuraken Yesus
Ersinalsal terang, ku tetap ersinalsal.

2. Sura-sura Yesus Kristus, ndandangi geluhku
Mpehaga Turang senina, sisampat-sampaten
Reff...

Ersinalsal Terang, em sinisuraken Yesus
Ersinalsal terang, ku tetap ersinalsal.

3. Kupindo Yesus nampati, njaga pusuhku e
Gelah ngasup ersinalsal, ngikutken Tuhan e..
Reff...

Ersinalsal Terang, em sinisuraken Yesus
Ersinalsal terang, ku tetap ersinalsal.

7) Ertoto Pertoton Tuhan